


ЯНГИ ЛОЙИҲАЛАР ТАСДИҚЛАНДИ



Вилоят ҳокими Нуралхан Кўшеров раислигида ўтган вилоят марказининг меъморчилигига оид йиғилишда минтақада қурилиши юритилаётган иншоотларнинг меъморий лойиҳалари муҳокама қилинди.

Ҳокимга вилоят марказида амалга ошириладиган янги лойиҳалар таништирилди. Минтақа раҳбари лойиҳалар ижроси борасида Туркистон шаҳрининг Бош режаси ва қиёфасига мувофиқ бўлиши

ни қатъий назоратга олишни топширди. Барча лойиҳалар муддатида бажарилиб, фойдаланишга топширилиши керак. Бош лойиҳага шаҳарнинг 2040 йилга қадар тараққиёт истиқболи жорий этилган. Ҳужжатда



тарихий масканлар ва ёдгорликларни сақлашга, шаҳар инфратузилмасини янада яхшилаб, сайёҳлик соҳасини ривожлантиришга эътибор қаратилган.

Туркистон шаҳрининг Дизайн кодида меъморчилик ва шаҳарсозликка қўйиладиган асосий талаблар ва қоидалар мужассам. Бош мақсад – шаҳарнинг маданий меросини сақлаб, меъморчилик бобида ягона услубини шакллантириш ва ихчам шаҳар марказини барпо этиш. Меъморий лойиҳалар муҳокама қилинган

мажлисда вилоят марказида барпо этиладиган янги кўп қаватли уй-жойлар ва тадбиркорлик иншоотларининг лойиҳалари ҳам таништирилди. Қатор лойиҳалар тасдиқланиб, баъзи лойиҳалар таҳрир қилинди.

Қурилиш билан бирга, кў-каламзорлаштириш, ободонлаштириш ишлари ҳам амалга оширилади. Бу борада вилоят ҳокими соҳага масъул раҳбарларга тегишли топшириқлар берди.

Вилоят ҳокимининг
матбуот хизмати.

ЗАРАРКУНАНДАЛАРГА ҚАРШИ ТАДБИРЛАР



Вилоят ҳудудида зараркунандаларга, жумладан, чигиртка ва пашшага қарши тадбирлар жадал юритилмоқда.

Дезинсекция тадбирларининг амалга оширилиши вилоят ҳокими Нуралхан Кўшеровнинг қатъий назоратида. Минтақада фитосанитария ҳолати барқарор.

Девон мажлисида вилоят

ҳокими Нуралхан Кўшеров мутасаддиларга фуқароларга қулай турмуш тарзини яратиш ва экин майдонларига зарар келтирмаслик мақсадида зараркунандаларга қарши курашни давом эттиришни топширди.

Кимёвий ишлов бериш муддатида ва сифатли юритилиши зарурлигини топширди. Зарур техника ҳамда кимёвий

лар билан таъминлаш аҳамияти таъкидланди.

Жорий йилда зараркунандаларга қарши 450 минг гектарга кимёвий ишлов берилди. Бу ишларга 275 ер усти техникаси, 909 осма пуркагич, 7та дрон ва 4та самолёт сафарбар қилинди. Қайта ишлов беришга зарур дорилар етарли.

Вилоят ҳокимининг
матбуот хизмати.

“ОВУЛ – ЭЛ БЕШИГИ” ЛОЙИҲАСИ АМАЛДА

Туркистон вилоятида 2025 йил “Овул – эл бешиги” лойиҳаси доирасида 142 аҳоли манзилида 140та лойиҳани амалга ошириш учун 21,8 млрд тенге ажратилди.

Таъкидлаб айтганда, ушбу маблағ эвазига 7та мактаб тўлиқ таъмирланади, 17та спорт иншоотининг қурилиши ва 1та спорт мактабини тўла таъмирлаш ишлари олиб борилади. 10та маданият иншооти барпо этилиб, 6та иншоот тўлиқ таъмирланади. Шунингдек, 2та



ичимли сув иншооти тўлиқ таъмирланиб, 7та электр қуввати билан жиҳозлаш иншоотининг қурилиши олиб борилади. 90та лойиҳа эса ички кўчаларни ўртача таъмирлашга мўлжалланган.

Мазкур лойиҳа доирасида юритиладиган ишлар вилоят ҳокимининг девон мажлисида

муҳокама қилинди. Минтақа раҳбари Нуралхан Кўшеров мутасаддиларга вазифаларнинг сифатли ижросини таъминлашни топширди.

– Лойиҳа доирасида олиб бориладиган ишлар муддатида ва сифатли бажарилиши лозим. Маҳаллий аҳолини иш билан таъминлаш керак. Ҳар бир ло-

йиҳа таҳлил қилиниб, назоратга олинади. Вилоят бошқармалари раҳбарлари ва туман, шаҳар ҳокимлари ишни жадаллаштиришлари даркор. Минтақани тараққий эттириш лойиҳаси, вазифаларнинг ижроси юзасидан махсус таҳлил юритилади, – деди Нуралхан Кўшеров.

Мажлисда минтақани ичимли сув билан таъминлаш ҳамда “Бадастир мактаб” лойиҳасини амалга ошириш масалалари ҳам муҳокама қилинди.

Вилоятда мавжуд шаҳарлар ичимли сув билан тўлиқ таъминланган, қишлоқларни таъминлаш кўрсаткичи эса йил сайин ортиб бормоқда. Арис, Шардара, Ленгер, Сариағаш шаҳарларидаги ичимли сув тармоқларини созлаш масаласи айтилиб, тегишли таклифлар илгари сурилди.

Вилоят ҳокимининг
матбуот хизмати.



МУҲИМ УЧРАШУВ ЎТДИ

Шимкент шаҳридаги “Дўстлик уйи”да Қозоғистон халқи Ассамблеяси қошидаги Журналистлар ва блогерлар клубининг мажлиси ўтди.

Қозоғистон Республикаси Сенати депутатлари, шаҳар ички сиёсат ва ёшлар ишлари бошқармаси раҳбари иштирок этган йиғилишда Қозоғистон халқи Ассамблеясининг ХХХIV сессиясида Давлат раҳбари белгиланган топшириқлар ижроси, ахборот майдонидаги масъулият ва касбий одоб-ахлоқ масалалари муҳокама қилинди.

Шаҳар ҚХА қошидаги Журналистлар ва блогерлар клуби раиси Абдөз Иманқулов очиб, олиб борган мажлисда сенатор, Қозоғистон халқи Ассамблеяси қошидаги Журналистлар

ва блогерлар клуби раиси Алишер Сотволдиев, сенатор Ғалиасқар Сарибаев, шаҳар ички сиёсат ва ёшлар ишлари бошқармаси раҳбари Айгерим Жумағулова, “Шымкент ақпарат орталығы” МЧБ директорининг маслаҳатчиси Бахтияр Тайжан, “Muzbalaq.kz” сайти бош муҳаррири Базаркул Қалбир, “Оңтүстік Қазақстан” газетаси бош муҳаррири Абай Балажан мавзуга оид фикрлари билан ўртоқлашдилар.

Маърузачилар томонидан ОАВ ва ижтимоий тармоқдаги давлат этносиёсати доирасида амалга оширилаётган тадбирлар ҳақида ёзиб, эълон қилишда учрайдиган камчиликлар, ютуқлар, этнослараро муносабатлар соҳасида терминлардан ўринли фойдаланиш, журналистларнинг

ижтимоий аҳволи, уларнинг маошини ошириш юзасидан фикрлар билдирилди.

Мажлисда ОАВ вакиллари ва блогерлар, шаҳар этномаданият бирлашмалари етакчилари, М. Аuezов номидаги Жанубий Қозоғистон тадқиқот университетининг “Журналистика ва қозоқ тили” кафедраси талабалари иштирок этди.

Таъкидлаш жоизки, Шимкент шаҳар ҚХА қошидаги Журналистлар ва блогерлар клуби 2018 йилдан буён фаолият юритиб келмоқда. Унинг асосий мақсади – умуммиллий бирликни мустаҳкамлаш, этнослараро ҳамжиҳатлик, ватанпарварлик ва маънавий-маданий ҳамжиҳатликни ривожлантиришга ҳисса қўшишдан иборат.

Хуршид ҚҶҶОРОВ.

СИРДАРЁ ЎЗАНИГА КИМЁВИЙ ИШЛОВ БЕРИЛДИ

Вилоятда пашшага қарши дезинсекция тадбирлари узлуксиз равишда олиб борилмақда. Вилоят ҳокимининг биринчи ўринбосари Зулпихар Жўлдасов раислигида ташкил этилган штаб минтақадаги зараркунандаларнинг кўпайишига қарши мажмуавий тадбирларни амалга оширмоқда.

ОАВ вакиллари учун матбуот сафари уюштирилиб, амалга оширилаётган тадбирлар билан таништирилди. Сирдарё ўзани бўйидаги аҳоли манзилларида пашшаларнинг кўпайишига қарши кимёвий ва биологик воситалар қўлланилмоқда. Ушбу тадбирлар экологияга зарар келтирмаган ҳолда, зараркунандаларни камайитиришга йўналтирилган. Бугунги кунда ўзанга “Бактицид” биовоситаларининг 111 тоннадан зиёда суспензияси қўйилди. Ушбу тадбирларга 12та махсус техника, 6 қайиқ, 28 нафар ходим сафарбар этилди.



Қўйилган дори миқдори Сирдарё ўзани ва Кўксарой омборидан чиқадиغان сув ҳажмига нисбатан ҳисобланади. Пашша личинкалари тўпланган ҳудудда дори миқдори кўпайтирилди. Ушбу тадбирлар натижасида аҳоли манзиллари ва ўзан атрофида пашшалар камайишининг ижобий кўрсаткичи аниқланган.

Дезинсекция тадбирлари Туркистон, Арис шаҳарлари ва Шардара, Саврон, Ўтрор туманларидаги Сирдарё ўзанига яқин аҳоли манзилларида мунтазам олиб борилмақда. Тадбирлар вилоят ҳокими Нуралхан Кўшеровнинг назоратида.

Вилоят ҳокимининг
матбуот хизмати.

»»» Обуначиларимиз орасида



1955 йили 19 май куни собиқ Фрунзе ҳозирги Саврон тумани маркази Чўрноқдаги Азим ота ва Рисқи аянинг зиёли оиласида дунёга келган тўнғич чақалоққа Буюк Ғалабанинг 10 йиллиги шарафига эзгу ниятлар ила Қаҳрамон деб исм беришди. Пири бадавлат оилада Тамара, Гулнора, Клара, Уйғун, Хусан, Фотима исмли ука-сингиллар камол топишди. 21 ёшида Украинада немис босқинчиларига қарши урушда қаҳрамонлик кўрсатиб, жонини фидо қилган Совет Иттифоқи Қаҳрамони Қурбонбой Ирисбековнинг невараси Қаҳрамон Ирисбеков мактабни олтин медаль билан таомлаб, Тошкентда муҳандис ихтисослиги бўйича таҳсил олди. Даст-

МЕҲНАТ ҚАҲРАМОНИ – 70 ЁШДА

лаб Тошкентда, сўнг Туркистонда самарали меҳнат қилди. Мустақиллик йиллари “Туркистон-насос” МЧБни бунёд этиб, Туркистон, Жамбил, Қизилўрда вилоятлари қишлоқ хўжалиги соҳаси учун сув насосларини таъмирлаш соҳасини ўзлаштириб, юксак натижаларга эришди.

Шимкентда тўнғич Президент Н. Назарбаев иштирокида ўтган махсус кўргазмада фаол иштироки, Давлат раҳбари сув насослари бўйича саволлар билан мурожаат этиб қизикқанлиги шонли тарих. Бошқа соҳадosh корхоналар эҳтиёт қисмлар тақчиллиги қийинчиликлари сабаб фаолиятини тўхтатганда ҳам “Туркистон-насос” корхонаси Қаҳрамон Азим ўғлининг тажрибаси, билими ва сабр-тоқати шарофати билан ишлаб турди. Айни пайтда корхоналарни ҳам оби-ҳаёт, ҳам ёнғин хавфсизлигини таъминловчи қудратли сув минораларини мақбул баҳода тайёрлаб, ўрнатиб беришдек масъулиятли вазифани “Туркистон-насос” самарали адо этмоқда.

Шаҳар, вилоят, республика миқёсида муносиб мукофотлар билан тақдирланган, Туркистон вилоятининг ибратли фуқароси, “Халқ хўрмати” ордени соҳиби Қаҳрамон Ирисбеков Мустақил давлатлар



ҳамдўстлигининг (МДХ) “Соҳа етакчиси” – “Лидер отрасли” ордени билан тақдирланганлигини ифтихор ила қайд этамиз.

Кам гапириб, кўп ишлашни одат қилган меҳнат қаҳрамони Қаҳрамон Ирисбеков умр йўлдоши, олий маълумотли Саломат Садриддин қизи билан қобил фарзандлар – Нилуфар, Фаррух, Динораларни тарбиялаб, вояга етказган. Ўғли

Фаррух кўп йиллардан буён “Туркистон-насос” корхонасида ижровий директор лавозимида самарали меҳнат қилади. Пири бадавлат оилада ширин-шакар тўққиз невар-эваралар вояга етмоқда.

Ш. МАДАЛИЕВ.

Тасвирларда: меҳнат қаҳрамони Қаҳрамон Ирисбеков; оила-аъзолари даврасида.

Р.С. Оила аъзолари, қариндош-уруғлари, фарзандлари, ҳамкасблари Қаҳрамон Азим ўғли Ирисбековни 70 ёш шодиёнаси билан санимий муборакбод этиб, соғлиқ-саломатлик, бардамлик ва саноат соҳасида янги зафарлар тилайди. “Жанубий Қозоғистон” тахририяти ҳам шу эзгу тилаклар ижобатида ниятдош.

ЎҚУВЧИЛАР САЛОМАТЛИГИ КУН ТАРТИБИДА



Саврон туманидаги Ал Форобий номли умумтаълим мактабида “Таълим муассасасида ўз жонига қасд қилиш ва зўравонликнинг олдини олиш” мавзуида семинар ўтди. Тадбирда туман таълим бўлимига қарашли мактабларнинг руҳшунослари иштирок этди.



Аҳамияти залворли тадбирда мактаб руҳшунослари, синф раҳбарлари, ўқувчи ва ота-оналар иштирок этди. Тадбирдан мақсад – таълим муассасаларида соғлом руҳий муҳит яратиш, ёшлар ўртасида зўравонлик ва унинг оқибатларини бартараф этиш юзасидан билим ва кўникмаларни мустаҳкамлаш.

Тадбир доирасида ушбу мактабнинг мусиқа фани муаллимаси Наргул Мусаева ташилотчилигида уюштирилган концерт дастури меҳмонлар эътиборига ҳавола этилди. Унда мактаб руҳшуноси Хонзода Мамбетова “Бахтли бола – бахтли она, бахтли оила, бахтли эл” мавзусида ота-оналар билан тренинг машғулотлари, руҳшунос Рўза Абдуллаева “Умр мен билан гўзал” мавзусида ўқувчилар билан руҳий тренинг, синф раҳбарлари Шаҳноза Мусое-

ва “Яшамоқ завқли”, Аяжон Чолова “Биз ҳаётни севамиз” мавзуларида синф соатларини ўтказишди. Директорнинг тарбиявий ишлар бўйича ўринбосари Кувонч Нишонбоев “Ижтимоий алоқалар ва муҳит – руҳий тушунлиқнинг олдини олиш воситаси” мавзусида атрофлича маълумот берди.

Ушбу семинар таълим муассасаларида нафақат таълим сифати, балки ёшларнинг руҳий баркамоллиги ва хавфсиз муҳити учун масъул эканлигимизни яна бир қарра намойён этди. Бу каби тадбирларни мунтазам ўтказиш, фақат муаммони ҳал қилиш эмас, балки унинг олдини олишдаги муҳим қадамлардан биридир.

Х. МАМБЕТОВА,
Р. АБДУЛЛАЕВА,

Ал Форобий номдаги умумтаълим мактаби руҳшунослари.

»»» Саврон

МАКТАБИМИЗ СПОРТЧИЛАРИНИНГ РЕСПУБЛИКА КЎЛАМИДАГИ ЮТУҒИ

Эски Иқон қишлоғидаги Зокир Саидов раҳбарлик қилаётган Собир Раҳимов номли умумтаълим мактабининг 9-11-синф ўқувчилари енгил атлетика бўйича республикада фахрли 2-ўринни эгаллади.

Талдиқўрғон шаҳрида эришилган ушбу улкан ютуқ мактабимиз тарихига зарҳал ҳарфлар билан битилади. Бу ишга муносиб ҳисса қўшган, иқтидорли ўқувчиларни туман, вилоят босқичларида ғалабага эришишни пухта тайёрлаган, республика танловида ҳам фахрли ўринга сазовор этган мактабимизнинг тажрибали жисмоний тарбия фани ўқитувчилари Э. Сулаймонов ва С. Аҳмедовга миннатдорчилик билдирамиз.

А. АХТАМОВ,
мактаб директори ўринбосари.
Суратда: ғолиб ўқувчилар устозлари билан.

Муаллиф тасвири.



ХАЛҚҚА ХИЗМАТ – ОЛИЙ ҲИММАТ

Саврон туманидаги аҳоли энг кўп ва гавжум яшайдиган ҳудуд – Эски Иқон қишлоқ округи маркази Иқон қишлоғида вилоят маркази Туркистон шаҳрига автобус билан қатнайдиغان йўловчилар учун бекатлар бунёд этилиб, ишга тушди.

Аҳоли ушбу қулайликлар учун фаол обуначимиз – қишлоқ округи ҳокими Дилшод Саитовдан миннатдор. Келажақда бундай ишлар давом этади.

Ш. МАДАЛИЕВ.

Суратда: янги бекат.

МОЛИЯВИЙ САВОДХОНЛИКНИ ОШИРИШ – ДАВР ТАЛАБИ

Қазигурт туманида фуқароларнинг молиявий саводхонлигини ошириш, қарз мажбуриятлари юзасидан ҳуқуқий ёрдам кўрсатиш бўйича мажмуавий маслаҳат-насиҳат тадбири уюштирилди.

Шу боис, Қазигурт туманида “Молиявий саводхонлиқни ошириш ва қарздорларга ҳуқуқий қўллов кўрсатиш” лойиҳаси доирасида кенг қамровли ахборий тушунтириш ишлари юритилди. Тадбир доирасида фуқароларга кундалик ҳаётда учраб турадиган молиявий машаққатларни самарали енгиб ўтиш, жумладан, кредит мажбуриятларини тўғри бошқариш, банк махсулотларидан самарали фойдаланиш, фибрибгарлардан ҳимоя қилиш, молиявий қарамлик (жумладан, қимор ўйинларига мойиллик)нинг олдини олиш борасида атрофлича маслаҳатлар берилди.

Иштирокчилар тадбир доирасида ҳисоб рақамлари блокланган тақдирда нима қилиш зарурлиги, қандай қонуний ечимлар мавжудлиги, тўлов қобилиятини тиклаш дастаклари, молиявий режани тузиш йўллари ҳақида аниқ ва фойдали маълумотлардан воқиф бўлишди. Соҳа мутахассислари – ҳуқуқшунос, вилоятдаги “Қарзсиз жамият” лойиҳасининг Туркистон вилояти бўйича етакчиси Азимбай Жандўс ва руҳшунос Шара Абдрахманова ўз соҳаларига оид зарур маълумотлардан воқиф бўлишди. Тадбирда иштирок этганлар ўзларини қизиқтирган саволларга аниқ жавоблар олиб, ҳуқуқий ва молиявий масалалар бўйича бепул ёрдам олишди.

Қазигурт тумани ҳокимининг матбуот хизмати.

МУСАФФО ТАБИАТ УЧУН БАРЧАМИЗ МАСЪУЛМИЗ

Туман ҳудудида “То-за Қозоғистон” дастури доирасида амалга оширилаётган тадбирлар Йўл харитасининг “То-за табиат” босқичи бўйича давом эттирилмоқда. Тумандаги 11та қишлоқда кенг кўламли шанбаликлар уюштирилиб, атроф-муҳитни муҳофаза қилиш ва ободонлаштириш доирасида намунали ишлар амалга оширилмоқда.



Шанбалик давомида кўчатлар экилиб, кўчалар, ариқлар ва дарё соҳиллари тозаланди. Қуриган дарахтлар кесилиб, табиий ҳудудлар тартибга келтирилди. Аҳолининг фаол иштироки билан ўтган ушбу тадбирда 7312 киши иштирок этиб, 33та махсус техника сафарбар этилди. Натижада, 101 тонна ахлат полигонга чиқарилиб, экологик аҳвол яхшиланишига улуш қўшилди. Мазкур шанбалик – табиат муҳофазасининг ёрқин ифодаси. Жамоат жам ҳолда ободонлаштириш эзгу ва улугвор тадбир. Она замин кўаламзорлаштирилиб, боққа бурканишига ҳисса қўиш – ҳар бир фуқаронинг бурчи.

Сайрам туман ҳокимлигининг матбуот хизмати.

Дўстлик дастурхони чорлаганда...



Шимкент шаҳар Қозоғистон халқи Ассамблеяси ва шаҳар ўзбек этномаданият бирлашмаси ташаббуси билан ҚХАнинг 30 йиллигига бағишланган анъанавий “Дўстлик дастурхони – Шимкент палови” фестивали Сайрам даҳасидаги “Наврўз” истироҳат боғида ўтди. Турли этнослар орасидаги тотувлик ва маънавий ҳамжиҳатликни намоён этган ушбу байрам жамият барқарорлиги ва бирдамлигининг ёрқин кўринишига айланди.

Байрам тадбирида ҚХА Раиси ўринбосари – Президент Маъмурияти ҚХА Котибияти мудири Марат Азилханов, Шимкент шаҳри ҳокимининг ўринбосари Сарсен Қуранбек, ҚР Парламент Сенати депутатлари Алишер Сотволдиев ва Ғалиасқар Сарибоев, ички ишлар органлари фахрийси Мўлдияр Ҳасанов, Қозоғистон ўзбек этномаданият бирлашмалари “Дўстлик” ҳамжамияти раиси Икром Ҳошимжонов, ҚХА ҳузуридаги Медиация кенгаши раиси, Миллий қурултой аъзоси Шерзод Пулатов, Ўзбекистоннинг “Ватандошлар” жамоат ҳамғармаси вакили Ҳожиакбар Исоқов, Шимкент шаҳар маслаҳати депутатлари Лазиз Сулаймонов, Байкен Аширбаев, Муратали Қалмуратов, Шимкент шаҳрида фаолият юритаётган турли этномаданият бирлашмалари раислари, шунингдек, жамоатчилик кенгаши аъзолари, этномаданият бирлашмалари ва ёшлар ташкилотлари,

таъминлаш ва этнослараро тотувликни мустаҳкамлашда самарали фаолияти учун бир гуруҳ фаолларни ташаққурномалар билан тақдирлади.

ҚХАнинг 30 йиллигига бағишлаб 30та қозонда тайёрланган палов миллатлар дўстлиги ва халқ бирдамлигининг рамзи



сус тайёрланган 100 килограмм палов Шимкент шаҳар ҚХА кўнгиллилари орқали болалар уйлари ва кўп болали оилаларга тарқатилди.

Тадбирда Шимкент шаҳар ўзбек драма театри санъаткорлари, шунингдек, хонандалар З. Олимов, З. Қодиров, Ш. Усмонова, шаҳар турк ва корейс этномаданият бирлашмаси санъаткорлари томонидан концерт дастури намойиш этилди.

Бу ўринда тадбирни ташкил қилишда жонбозлик кўрсатган Шимкент шаҳар ўзбек этномаданият бирлашмаси оқсоқоллар кенгаши раиси Орифжон Холназаров, фаоллари Карима Қўшмуродова, Аббосхон Шо-

»» Акс-садо

УСТОЗГА БАҒИШЛАНГАН ҚАЛЬ САМИМИЯТИ

Давлат ва жамоат арбоби Фахриддин Қоратоевнинг “Жанубий Қозоғистон” газетасининг жорий йил 15 май, 50-сонида эълон қилинган Ўзбекистон халқ ҳофизси, эл суйган буюк санъаткор Фахриддин Умаров ҳақидаги “Эл фарзанди, халқ ҳофизси” номли мақоласи ҳақиқий эҳтиром ва садоқат билан ёзилибди. Унда улуг ҳофизнинг бой мероси ҳақида батафсил маълумот берилиб, муаллифнинг самимий хотиралари орқали санъаткор образи янада жонли ва завқли гавдаланган.



Фахриддин Қоратоевнинг қалбдан чиққан ҳар бир сўзида устозга бўлган чексиз ҳурмат, санъатга бўлган садоқат ва миллий меросга дахлдорлик туйғуси мужассам. Унинг адабий-ҳиссий баён услуби мақоланинг илмий, тарихий ва тарбиявий аҳамиятини янада оширган.

Фахриддин Умаров ҳақидаги мазкур мақола ҳар бир ўқувчи қалбига чуқур таассурот қолдириши шубҳасиз. Унинг ҳаёт йўли, ижоди, меҳр-муҳаббат ва садоқат билан қуйлаган қўшиқлари нафақат санъат аҳли, балки бутун халқимиз учун ибрат мактабидир. Муаллифнинг жонли хотиралари, устоз билан бўлган учрашувлари, мулоқотлари чоғида у зотдан олган дуо ва сабоқлари мақолага жонли руҳ ва самимият бағишлаган.

Ҳофизнинг “Қаҳрамонлар хотираси” ва “Қуйим” каби қўшиқлари орқали нафақат миллий мусиқа санъатига, балки тарих, Ватан, она ва муҳаббат каби улуг тушунчаларга бўлган садоқатини ҳис этамиз. У зотнинг лирика мактаби – қалбларни эзгуликка чорловчи нур манбаи бўлиб қолмоқда.

Санъаткорнинг юксак тафаккури, санъатга, миллий қадриятларга бўлган меҳри, айниқса, ёш авлодга ибрат сифатида кўрсатилади. Фахриддин Қоратоев устознинг номи, мактаби ва меросини халқ орасида тарғиб қилишга хизмат қилмоқда. Бу эса унинг юксак шахсий фазилати ва фидойилигини яна бир бор намоён этди.

Муаллиф Қозоғистонда ҳам Фахриддин Умаров ижодида бўлган ҳурматни алоҳида таъкидлайди. Зеро, бу – санъатнинг чегара билмас қудратига ёрқин мисолдир. Ушбу мақола ҳақиқатан ҳам юракдан битилган, у халқ ҳофизси номини абадийлаштиришга муносиб ҳиссадир. Ф. Қоратоевга чуқур миннатдорчилик билдирган ҳолда, бундай ёрқин асарлар – мақолалар “Жанубий Қозоғистон” газетаси саҳифаларида янада кўпроқ берилишини тилаб қоламиз.

Устознинг руҳлари шод, номи ва қуйлари халқ орасида мангу яшасин!

Турсунхўжа ХОНХЎЖАЕВ,
фахрий устоз.
Шимкент шаҳри, Сайрам даҳаси.

»» Ярим асрлик юбилей

РАҲБАР УСТОЗ МАСЪУЛИЯТИ



Кентов шаҳридаги Ўзбекаки Жанибеков номидаги кўп соҳали гимназия мактаби директори, тажрибали устоз Мансур Ғайбулла ўғли Акешов (тасвирда) 50 ёшни қаршилаш арафасида.

М. Акешов 1975 йили 3 июнда Қарноқ қишлоғида фронторти фахрийси Ғайбулла Акешов ва қаҳрамон она Машхура Акешова хонадонида дунёга келди. 1992 йили Чоштепа умумтаълим мактабини аъло баҳо-ларга тамомлади.

Мустақил Қозоғистон қурулган кучлари сафида икки йил йигитлик бурчини шараф билан адо этди. Кентовдаги кўп соҳали коллежда техник-ҳисобчи, Жанубий Қозоғистон Очққ университетида тарих ихтисослиги бўйича олий маълумот олди. Устозлик фаолиятини 2002 йили 3-сонли кўп соҳали гимназия мактабида тарих фани ўқитувчиси сифатида бошлади. Билими, ташкилотчилиги шарофати билан 2014 йили Қарноқдаги “Ақын тумани” асосий ўрта мактаби директори лавозимига тайинланди. 2015 йили эса ўзи таълим олган Чоштепа умумтаълим мактаби директори сифатида меҳнат фаолиятини давом эттирди. Умр йўлдоши Матлуба Раҳматулла қизи билан уч ўғил бир қиз тарбиялаб, вояга етказмоқда. Улар мактаб ўқувчилари.

Ш. МАДАЛИЕВ.
Муаллиф тасвири.

P.S. Кентов шаҳрида 80 нуска “Жанубий Қозоғистон” вилоят газетаси обунасини почта орқали таъминлаётган, давлат ва жамоат арбоби Ўзбекаки Жанибеков номидаги умумтаълим мактаби устозлари раҳбари Мансур Ғайбулла ўғли Акешовни ҳамкасблари, оила-аъзолари, қариндош-уруғлари, шогирдлари 50 ёш қувончи ва шукронаси ила муборақбод этиб, мустаҳкам саломатлик, фарзандлар камоли ҳамда маориф соҳасида янги зафарлар тилайди. “Жанубий Қозоғистон” таҳририяти ҳам шу тилаклар ижобатида ниятдош.

оқсоқоллар ва онахонлар кенгаши вакиллари, зиёлилар иштирок этдилар.

Тадбирни Шимкент шаҳар ўзбек этномаданият бирлашмаси раиси Тоҳир Нишонбоев очиб, фестиваль иштирокчиларига самимий тилақларини изҳор этди. Шундан сўнг ҚХА Раисининг ўринбосари М. Азилханов этномаданият бирлашмаси фаолларига миннатдорчилик билдириб, Қозоғистон халқ Ассамблеяси фаолиятига муносиб ҳисса қўшган фуқароларга “ҚХАнинг 30 йиллиги” медалини топширди. Тақдирланганлар орасида давлат ва жамоат арбоби Фахриддин Қоратоев, фахрий устоз Бегмат Турдикулов, таниқли суҳандон Абубакир Хонхўжаев ва бошқалар бор. Шунингдек, шаҳар ҳокимининг ўринбосари С. Қуранбек жамият барқарорлигини



сифатида янги маъно касб этди. Ҳар бир ошпаз турлича усулда ош тайёрлаб, меҳмонларни ҳайратга солди. Ошпазлар тайёрлаган паловхонтўраининг “Бирлик”, “Дўстлик”, “Ғалабага 80 йил”, “Байтерек” каби номлар билан аталишида ҳам чуқур маъно мужассам.

ҳайати қарорига кўра, танлов иштирокчилари Ҳасан ва Ҳусан Шомуродовлар – “Йилнинг энг яхши ошпазлари”, Азизбек Сайдахметов – “Энг ёш ошпаз”, Юнусмат Бегмуллаев – “Энг ёши улуг ошпаз” каби номинациялар билан тақдирландилар. Баҳолашда таомнинг таъми билан бирга уни тайёрлаш маҳоратлари, дид билан безатиши, ошпазлар либоси ва хизмат кўрсатиш маданияти ҳам инобатга олинди. Фестиваль доирасида мах-

мирзаев, шунингдек, Ал Форобий, Қоратов, Ёнбекши, Абай туманлари ўзбек этномаданият бирлашмалари раислари Шухрат Рўзиматов, Нодирхон Имомсиддиқов, Баҳодир Мирзахмедов, Илҳом Алимқулов, 4-сонли мусиқа мактаби директори Шокир Умаров ва бошқа жонқуярларнинг саъй-ҳаракатлари алоҳида таъкидлаш жоиз.

З. МЎМИНЖОНОВ.

Тасвирларда: тадбирдан лавҳалар.

Директор – Бош муҳаррир
Райимжон Ортиқбой ўғли
АЛИБОВЕВ.

Бош муҳаррир ўринбосарлари:
Муроджон АБУБАКИРОВ.
Авазхон БҮРҒОНБОВЕВ.

Масъул котиба – Шаҳноза УСМОНОВА.

Масъул шахслар:

Туркистон, Саверон – Шомирза МАДАЛИЕВ. +7701-610-51-22
Қазигурт – Хуршид ҚУЧҚОРОВ. +7701-447-37-42
Сайрам – Зокиржон МЎМИНЖОНОВ. +7702-278-96-90
Тулкибош – Мунира САЪДУЛЛАЕВА. +7747-144-60-71
Жетисай, Мақтарал – Мухтабар УСМОНОВА. +7701-257-36-97
Келес, Саригоч – Малика ЭЛТОЕВА. +7702-841-78-82
Кентов, Сўзоқ – Рўзиохун МАДАЛИЕВ. +7708-824-20-97

Муассис – Туркистон вилояти ҳокимлиги.
Мулк эгаси – “Жанубий Қозоғистон” вилоят ижтимоий-сиёсий газетаси таҳририяти” масъулияти чекланган биродрарлиги.

● Мақолалар, эълон ва билдирувлардаги факт ҳамда далилларнинг тўғрилиги учун муаллифлар, реклама ва эълон берувчилар масъулдир.
● Фойдаланилмаган мақолаларга ёзма жавоб қайтарилмайди.

Газета ҚР Маданият ва ахборот вазирлиги томонидан 2020 йил 21 апрелда рўйхатга олинди, КЗ34VРУ0022503 гувоҳнома берилган.

“ERNUR-print” МЧБ Босмахонасида chop этилди, Шимкент шаҳри, Т. Алимқулов кўчаси, 22.

Қозоғистон Республикасида тарқатилади.

МАНЗИЛИМИЗ:
160000, Шимкент шаҳри,
Тауке хан шоҳқўчаси, 6-уй, 3-қават.
Телефон: 53-07-10. Телефакс: 53-04-66.
+7778-618-39-05.

Электрон почта: janubiy@inbox.ru

Нашр кўрсатиши – 65466.

Адади – 11300 нуска.

Бирортом
1130.

Набатчи муҳаррир: Мунира САЪДУЛЛАЕВА.